

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

o ocjeni koncentracije između privrednog subjekta "OPTIMA Grupa" d.o.o. Banja Luka i privrednih subjekata "ZOVKO" d.o.o. Žepče i "ZOVKO OIL" d.o.o. Žepče

Sarajevo
Mart, 2010. godine

Broj: 01-05-26-033-22-II/09
Sarajevo, 23. mart 2010. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji ("Službeni glasnik BiH", br. 48/05, 76/07 i 80/09) u postupku pokrenutom po Zaključku o pokretanju postupka po službenoj dužnosti za ocjenu koncentracije između privrednog subjekta "OPTIMA Grupa" društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 9, 78000 Banja Luka i privrednih subjekata "ZOVKO" d.o.o. Žepče proizvodno, trgovinsko i transportno društvo, Ljeskovića bb, Žepče i Proizvodno, transportno i trgovinsko društvo "ZOVKO OIL" d.o.o. Žepče, Goliješnica bb, Žepče, broj: 01-05-26-033-1-II/09 od dana 21. oktobra 2009. godine, Konkurencijsko vijeće na 104. (stotinučetvrtoj) sjednici održanoj dana - 23 marta 2010. godine, je donijelo

R J E Š E N J E

1. Ocjenjuje se dopuštenom koncentracija na tržištu trgovine na malo motornim gorivima i mazivima u Bosni i Hercegovini, koja je nastala stjecanjem kontrole od strane privrednog subjekta "OPTIMA Grupa" društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 9, 78000 Banja Luka, nad dijelom privrednog subjekta "ZOVKO" d.o.o. Žepče proizvodno, trgovinsko i transportno društvo, Ljeskovića bb, Žepče, kupovinom četiri benzinske pumpe, i to: "Kaonik", Kaonik bb, Busovača; "Brijesnica", Brijesnica Velika bb, Doboj Istok; "Ormanica", Ormanica bb, Gradačac i "Solina-Tuzla", Solina bb, Tuzla, i dijelom privrednog subjekta Proizvodno, transportno i trgovinsko društvo "ZOVKO OIL" d.o.o. Žepče, kupovinom četiri benzinske pumpe i to: "Bukvik", Bukvik Gornji bb, Brčko Distrikt Bosne i Hercegovine; "Jabučik", Dubrave bb, Brčko Distrikt Bosne i Hercegovine; "Cerovac-Tešanj", Cerovac bb, Tešanj i "Tinja", Tinja bb, Srebrenik.
2. Zbog nepodnošenja Prijave koncentracije, u smislu člana 16. Zakona o konkurenciji, i provođenja koncentracije bez donošenja rješenja Konkurencijskog vijeća, izriče se novčana kazna privrednom subjektu "OPTIMA Grupa" društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 9, 78000 Banja Luka, u visini od 200.000,00 KM (dvijestotine hiljada), koju je dužan platiti u roku od 8 dana, od dana prijema ovog Rješenja.
3. Ovo Rješenje o koncentraciji upisuje se u Registar koncentracija.
4. Ovo Rješenje je konačno i bit će objavljeno u "Službenom glasniku BiH", službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće na osnovu informacija objavljenih na internet stranici www.24sata.info od dana 14. maja 2009. godine i www.ekapija.ba od dana 08. juna 2009. godine, je provelo aktivnosti na prikupljanju podataka u vezi koncentracije privrednog subjekta "OPTIMA Grupa" društvo sa ograničenom odgovornošću za trgovinu naftom i naftnim derivatima, Kralja Alfonsa XIII broj 9, 78000 Banja Luka (u daljem tekstu: "OPTIMA Grupa") i privrednog subjekta "ZOVKO" d.o.o. Žepče proizvodno, trgovinsko i transportno društvo, Ljeskovića bb, Žepče (u daljem tekstu: "ZOVKO") i privrednog subjekta Proizvodno, transportno i trgovinsko društvo "ZOVKO OIL" d.o.o. Žepče, Goliješnica bb, Žepče (u daljem tekstu: "ZOVKO OIL").

Na navedenim internet stranicama, je navedeno da je na tržištu veleprodaje i maloprodaje naftnih derivata provedena transakcija između privrednog subjekta "OPTIMA Grupa" koji je kupio deset benzinskih pumpi od privrednog subjekta "ZOVKO" i privrednog subjekta "ZOVKO OIL", od toga osam benzinskih pumpi na području Federacije Bosne i Hercegovine i dvije na području Brčko Distrikta Bosne i Hercegovine.

Konkurencijsko vijeće u cilju prikupljanja dodatnih podataka o predmetnoj koncentraciji dobilo je relevantne podataka o privrednom subjektu "OPTIMA Grupa" od Osnovnog suda u Banja Luci (podnesak broj: 01-05-26-510-4-I/09 od dana 22. juna 2009. godine i broj: 01-05-26-510-8-I/09 od dana 10. jula 2009. godine), a podatke za privredni subjekt "ZOVKO" i privredni subjekt "ZOVKO OIL" od Odjeljenja registra Općinskog suda u Zenici (podnesak broj: 01-05-26-510-5-I/09 od dana 22. juna 2009. godine i broj: 01-05-26-510-6-I/09 od dana 22. juna 2009. godine).

Također, Konkurencijsko vijeće je dobilo podatke od Agencije za posredničke, informatičke i finansijske usluge a.d. Banja Luka (podnesak broj: 01-01-26-510-3-I/09 od dana 12. juna 2009. godine) o ukupnom prihodu za 2008. godinu za privredni subjekt "OPTIMA Grupa", i od Agencije za finansijske, informatičke i posredničke usluge d.d. Sarajevo (podnesak broj: 01-05-26-510-15-I/09 od dana 18. augusta 2009. godine) podatke o ukupnom prihodu za privredni subjekt "ZOVKO" i privredni subjekt "ZOVKO OIL".

Nadalje, Konkurencijsko vijeće je dobilo podatke od Središnjeg ureda Porezne uprave Federacije Bosne i Hercegovine, preko Kantonalnog poreznog ureda Tuzla (podnesak broj: 01-05-26-510-13-I/09 od dana 12. augusta 2009. godine) o kupoprodaji nekretnina između privrednog subjekta "OPTIMA Grupa", privrednog subjekta "ZOVKO" i privrednog subjekta "ZOVKO OIL".

Konkurencijsko vijeće analizom prikupljenih podataka je ocijenilo da postoji osnovana sumnja da koncentracije između privrednog subjekta "OPTIMA Grupa", privrednog subjekta "ZOVKO" i privrednog subjekta "ZOVKO OIL" nije prijavljena, odnosno provedena u skladu sa odredbama Zakona o konkurenciji (u daljem tekstu: Zakon), te je donijelo Zaključak o pokretanju postupka po službenoj dužnosti ocjene predmetne koncentracije (broj: 01-05-26-033-1-II/09 od 21.10.2009. godine) (u daljem tekstu: Zaključak).

Konkurencijsko vijeće je dostavilo (aktom broj: 01-05-26-033-5-II/09 dana 26. oktobra 2009. godine), privrednom subjektu "OPTIMA Grupa" Zaključak na odgovor, u skladu sa članom 33. Zakona.

U ostavljenom roku privredni subjekt "OPTIMA Grupa" je dostavio svoj odgovor (podnesak broj: 01-05-26-033-7-II/09 od dana 30. novembra 2009. godine, broj: 01-05-26-033-9-II/09 od dana 22. decembra 2009. godine i broj: 01-05-26-033-11-II/09 od dana 31. decembra 2009. godine).

Privredni subjekt "OPTIMA Grupa" u odgovoru na Zaključak je naveo da prijavu koncentracije nije podnio jer smatra da kupoprodaja nekretnina ne podliježe odredbama Zakona u smislu definicije koncentracije i pravnog osnova koncentracije, te da na osnovu toga nije došlo do koncentracije privrednog subjekta "OPTIMA Grupa" sa privrednim subjektom "ZOVKO" i privrednim subjektom "ZOVKO OIL", jer svi privredni subjekti i dalje egzistiraju kao zasebna pravna lica i posluju po istim uslovima kao i ranije.

Konkurencijsko vijeće uvidom u dokumentaciju dostavljenu od privrednog subjekta "OPTIMA Grupa" uz odgovor na Zaključak, je ocijenilo da je za utvrđivanje potpunog činjeničnog stanja i ocjenu dokaza potrebno pribaviti dodatne podatke i izvršiti dodatne analize, obzirom da se radi o osjetljivom tržištu i privrednoj grani, te donijelo Zaključak o

produženju roka (broj: 01-05-26-033-14-II/09 dana 20. januara 2010. godine) za donošenje rješenja za dodatna tri mjeseca, u smislu člana 41. Zakona.

U postupku Konkurencijsko vijeće je prikupilo dodatne podatke o relevantnom tržištu i predmetu koncentracije od privrednog subjekta "OPTIMA Grupa" (podnesak broj: 01-05-26-033-16-II/09 od dana 03. februara 2010. godine), privrednog subjekta "ZOVKO" (podnesak broj: 01-05-26-033-18-II/09 od dana 08. februara 2010. godine) i privrednog subjekta "ZOVKO OIL" (podnesak broj: 01-05-26-033-17-II/09 od dana 08. februara 2010. godine).

Konkurencijsko vijeće je nakon analize svih prikupljenih podataka u postupku ocjene koncentracije utvrdilo sljedeće činjenice:

1. Učesnici koncentracije

Učesnici koncentracije su privredni subjekt "OPTIMA Grupa" društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 9, 78000 Banja Luka, privredni subjekt "ZOVKO" d.o.o. Žepče proizvodno, trgovinsko i transportno društvo, Ljeskovicica bb, Žepče, privredni subjekt "ZOVKO OIL" d.o.o. Žepče, Goliješnica bb, Žepče.

1.1. Privredni subjekt "OPTIMA Grupa"

Privredni subjekt "OPTIMA Grupa" društvo sa ograničenom odgovornošću za trgovinu naftom i naftnim derivatima Banja Luka, Kralja Alfonsa XIII broj 9, upisan je u sudski registar Osnovnog suda u Banjoj Luci, rješenjem broj: 071-0-Reg-08-000180 od 11.02.2008. godine, sa brojem registarskog uloška: 1-16709-00.

Osnivač i vlasnik 100,0% udjela u osnovnom kapitalu privrednog subjekta "OPTIMA Grupa" je privredni subjekt OAD (Otvoreno akcionarsko društvo) "NeftegazInKor", Kalančevskaja broj 11, Korpus 2. Moskva, Ruska Federacija.

Osnovna registrovana djelatnost privrednog subjekta "OPTIMA Grupa" je trgovina na veliko tečnim naftnim gorivima.

Privredni subjekt "OPTIMA Grupa" nema povezanih društava u kojima ima 10% ili više udjela u osnovnom kapitalu ili 10% ili više prava glasa, na tržištu Bosne i Hercegovine, niti na drugim tržištima.

1.1.1. Privredni subjekt OAD (Otvoreno akcionarsko društvo) "NeftegazInKor"

Privredni subjekt OAD "NeftegazInKor". Moskva, Ruska Federacija, kao vlasnik i osnivač »OPTIMA Grupe« d.o.o. Banja Luka većinski je vlasnik dionica u sljedećim privrednim subjektima u Bosni i Hercegovini:

- 80,000031% dionica u privrednom subjektu "Petrol" a.d. Banja Luka, preduzeće za promet naftom, naftnim derivatima i prirodnim gasom;
- 79,998602% dionica u privrednom subjektu "Rafinerija nafte" a.d. Bosanski Brod preduzeće za proizvodnju, preradu i promet derivata nafte;
- 75,651467% dionica u privrednom subjektu "Rafinerija ulja Modriča" a.d., preduzeće za proizvodnju, preradu i promet derivata nafte.

1.2.Privredni subjekt "ZOVKO"¹

Privredni subjekt "ZOVKO" d.o.o. Žepče proizvodno, trgovinsko i transportno društvo, sa sjedištem u Žepču, Ljeskovića bb, upisan je u sudski registar Kantonalnog suda u Zenici, rješenjem broj: U/I-1580/00 od 28.04.2000. godine, sa registarskim brojem: 1-2911.

Osnivač i vlasnik 100,0% udjela u osnovnom kapitalu privrednog subjekta "ZOVKO" je fizičko lice Zovko (Grge) Danica (JMBG (..)*)¹, l.k. (..)* ZDK Žepče), Tatarbudžak bb u Žepču, Bosna i Hercegovina.

Osnovna registrovana djelatnost privrednog subjekta "ZOVKO" je trgovina na veliko naftom i naftnim derivatima.

Privredni subjekt "ZOVKO" je bio vlasnik četiri benzinske pumpe koje su predmet koncentracije, a na kojima je na osnovu ugovora o zakupu (zaključenih dana 01. jula 2006. godine u Žepču) djelatnost obavljao privredni subjekt "ZOVKO OIL" i to:

- "Kaonik", Kaonik bb, Busovača;
- "Brijesnica", Brijesnica Velika bb, Doboju Istok;
- "Ormanica", Ormanica bb, Gradačac;
- "Solina-Tuzla", Solina bb, Tuzla.

1.2.1. Povezana društva privrednog subjekta "ZOVKO" u Bosni i Hercegovini

Privredni subjekt "ZOVKO" ima 51,078% vlasničkog udjela u privrednom subjektu "GRADINA" d.o.o. Maglaj, čija je osnovna registrovana djelatnost građevinarstvo.

1.3.Privredni subjekt "ZOVKO OIL"

Privredni subjekt Proizvodno, transportno i trgovinsko društvo "ZOVKO OIL" d.o.o. Žepče, Goliješnica bb, Žepče, upisan je u sudski registar Kantonalnog suda u Zenici rješenjem broj: U/I-206/03 od 13.02.2003. godine, sa matičnim registarskim brojem: 1-8739 (novi broj: 43-01-0264-08).

Osnivač i vlasnik 100,0% udjela u osnovnom kapitalu privrednog subjekta "ZOVKO OIL" je fizičko lice Zovko Marinko (l.k. (..)* Tatarbudžak bb, Žepče, Bosna i Hercegovina.

Osnovne registrovane djelatnosti privrednog subjekta "ZOVKO OIL" su: trgovina na malo motornim gorivima i mazivima, trgovina na veliko tečnim gorivima, trgovina na veliko i malo robom široke potrošnje i ugostiteljstvo.

Privredni subjekt "ZOVKO OIL" je bio vlasnik četiri benzinske pumpe koje su predmet koncentracije i to:

- "Bukvik", Bukvik Gornji bb, Brčko Distrikt Bosne i Hercegovine;
- "Jabučik", Dubrave bb, Brčko Distrikt Bosne i Hercegovine;
- "Cerovac-Tešanj", Cerovac bb, Tešanj;
- "Tinja", Tinja bb, Srebrenik.

Privredni subjekt "ZOVKO OIL" je obavljao djelatnost na benzinskim pumpama "Cerovac-Tešanj" i "Tinja", dok je privredni subjekt "Plamen Oil" d.o.o. Brčko Distrikt Bosne i Hercegovine (povezano društvo u okviru grupe "ZOVKO") obavljao djelatnost na benzinskoj

¹ (..)* Podaci se smatraju poslovnom tajnom u smislu člana 38. Zakona o konkurenciji

pumni "Bukvik" i "Jabučik", na osnovu ugovora o zakupu sa privrednim subjektom "ZOVKO OIL" zaključenim u Brčkom, dana 01. juna 2006. godine.

Privredni subjekt "Plamen Oil" d.o.o. Brčko upisan je u sudski registar Osnovnog suda Brčko Distrikta BiH, rješenjem broj: D-1437/04 od 07.12.2004. godine, sa matičnim registarskim brojem: 1-1337.

Osnivač i vlasnik 100% udjela u osnovnom kapitalu privrednog subjekta "Plamen Oil" d.o.o. Brčko je fizičko lice Zovko Dragan (JMBG (..)*) Tatarbudžak bb, Žepče, Bosna i Hercegovina.

1.3.1. Povezana društva privrednog subjekta "ZOVKO OIL" u Bosni i Hercegovini

Privredni subjekt "ZOVKO OIL" u privrednom subjektu "SPORTING" d.o.o. Žepče ima 15,88% udjela u osnovnom kapitalu.

1.4. Povezana društva iz grupe "ZOVKO" u Bosni i Hercegovini

Pored privrednog subjekta "ZOVKO" i privrednog subjekta "ZOVKO OIL", u okviru grupe "ZOVKO", posluju sljedeći privredni subjekti:

- "Zovko osiguranje" d.d. Žepče - obavlja djelatnosti osiguranja imovine i lica;
- "Zovko transporti" d.o.o. Žepče – obavlja djelatnosti u prijevozu robe u međunarodnom i domaćem prometu, održavanja motora i motornih i priključnih vozila;
- "Zovko Metali" d.d. Žepče – obavlja djelatnosti proizvodnje i servisiranja kamionskih prikolica, proizvodnje i montaže čeličnih konstrukcija i slično;
- "Zovko gradnja" d.d. Maglaj – obavlja djelatnosti u građevinarstvu, transporta i servisnih usluga;
- "MZ-Kamion" d.o.o. Žepče - obavlja prodaju i servis vozila;
- "Zovko auto" d.o.o. Žepče - obavlja djelatnost prodaje vozila, tehničkog pregleda vozila, prodaju auto dijelova i servis vozila;
- "RMK Inženjering" d.d. Zenica - obavlja djelatnost izrade, rekonstrukcije i modernizacije investicionih objekata, transfer tehnologije, inženjering usluge itd;
- "Zenicatrans Zenica" d.d. Zenica - obavlja djelatnost prijevoza roba u domaćem i međunarodnom drumskom prometu;
- "Plamen" d.o.o. Brčko Distrikt Bosne i Hercegovine - obavlja djelatnost maloprodaje nafte i naftnih derivata, maloprodaje robe široke potrošnje i ugostiteljstvo;
- "Plamen Oil" d.o.o. Brčko Distrikt Bosne i Hercegovine - obavlja djelatnost maloprodaje nafte i naftnih derivata, maloprodaje robe široke potrošnje i ugostiteljstvo;
- "Zovko Krivaja" d.d. Žepče - obavlja drvoprerađivačku djelatnost.

1.5. Ostali učesnici predmetne koncentracije

Fizičko lice Dragan (Ivica) Zovko, Petrine 29, 10000 Zagreb, Republika Hrvatska, je prije provođenja predmetne koncentracije bio vlasnik benzinske pumpe "Bugojno", Kopčići bb,

Bugojno, na kojoj je djelatnost obavljao privredni subjekt "ZOVKO OIL", u skladu sa ugovorom o zakupu zaključenom u Žepču, dana 08. juna 2005. godine.

Fizičko lica Ivica (Anto) Zovko, Tatarbudžak bb, Žepče, Bosna i Hercegovina, prije provođenja predmetne koncentracije bio je vlasnik benzinske pumpe "Šuica", Šuica bb, Tomislavgrad na kojoj je djelatnost obavljao privredni subjekt "ZOVKO OIL", u skladu sa ugovorom o zakupu zaključenom u Žepču dana 05. marta 2003. godine.

2. Obaveza prijave namjere koncentracije

Obaveza prijave namjere koncentracije privrednih subjekata, u smislu odredbe člana 14. stav (1) tačka b) Zakona, postoji ako ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji.

Ukupan godišnji prihod privrednih subjekata učesnika predmetne koncentracije, na dan 31. decembra 2008. godine, iznosio je:

Tabela 1.

KM	"OPTIMA Grupa"	"ZOVKO OIL"	"ZOVKO OIL"(8 BP)	"ZOVKO"
BiH	(..)*	(..)*	(..)*	(..)*
Svijet	(..)*	-	-	-

Izvor: Podaci privrednog subjekta "Optima Grupa", APIF a.d. Banja Luka i APIF d.d. Sarajevo

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterijumima za ocjenu koncentracija privrednih subjekata ("Službeni glasnik BiH", br. 95/06).

Članom 14. stav (3) Zakona, propisano je da se u slučaju kada se koncentracija iz člana 12. stav (1) Zakona odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda iz stava (1) istog člana, obračunavat će se samo prihod onih dijelova privrednog subjekta koji su predmet kontrole koncentracije.

Shodno tome Konkurencijsko vijeće je prilikom utvrđivanja obaveze prijave namjere koncentracije, iz ukupnog prihoda privrednog subjekta "ZOVKO OIL" izdvojilo prihod koji su u 2008. godini ostvarile benzinske pumpe koje su predmet koncentracije, a koje su prije koncentracije poslovale u sastavu privrednog subjekta "ZOVKO OIL", i to:

Tabela 2.

R.b	Naziv benzinske pumpe	Ukupan prihod
1.	"Busovača "Kaonik"	7.359.755,64 KM
2.	"Brijesnica", Dobož Istok	7.616.684,82 KM
3.	"Ormanica", Gradačac	7.231.905,29 KM
4.	"Solina-Tuzla", Tuzla	4.336.805,61 KM
5.	"Cerovac-Tešanj", Tešanj	7.863.445,11 KM
6.	"Tinja", Srebrenik	7.514.361,30 KM
7.	"Bugojno", Bugojno	8.183.019,05 KM
8.	"Šuica", Tomislavgrad	7.659.722,97 KM
	UKUPNO	57.765.699,79 KM

Izvor: podaci od učesnika koncentracije

Konkurencijsko vijeće je utvrdilo da su privredni subjekti učesnici koncentracije u 2008. godini ostvarili ukupan prihod koji podliježe obavezi prijave namjere koncentracije, u skladu sa članom 14. stav (1) tačka b) Zakona.

3. Pravni okvir ocjene koncentracije

Konkurencijsko vijeće je u provođenju postupka ocjene predmetne koncentracije primjenilo odredbe Zakona, Odluke o načinu podnošenja prijave i kriterijumima za ocjenu koncentracija privrednih subjekata, Odluke o utvrđivanju relevantnog tržišta ("Službeni glasnik BiH", br.18/06) i Zakona o upravnom postupku ("Službeni glasnik BiH", br.29/02, 12/04 i 88/07).

4. Pravni osnov i oblik koncentracije

Pravni osnov koncentracije su ugovori o kupovini benzinskih pumpi, koji su zaključeni između privrednog subjekta "OPTIMA Grupa"(kupca) i privrednog subjekta "ZOVKO OIL"(prodavca) za četiri benzinske pumpe, privrednog subjekta "ZOVKO"(prodavca) za četiri benzinske pumpe, fizičkog lica Dragana Zovko (prodavca) za jednu benzinsku pumpu i fizičkog lica Ivice Zovko (prodavca) za jednu benzinsku pumpu.

- 1) Ugovori o kupovini benzinskih pumpi, zaključeni između privrednog subjekta "OPTIMA Grupa" i privrednog subjekta "ZOVKO OIL", su:
 - OPU broj 661/09, zaključen u Banja Luci dana 22. maja 2009. godine za benzinsku pumpu "Bukvik", Bukvik Gornji bb, Brčko Distrikt Bosne i Hercegovine;
 - OPU broj 662/09, zaključen u Banja Luci dana 22. maja 2009. godine za benzinsku pumpu "Jabučik", Dubrave bb, Brčko Distrikt Bosne i Hercegovine;
 - OPU broj 500/09, zaključen u Banja Luci dana 15. aprila 2009. godine za benzinsku pumpu "Cerovac-Tešanj", Cerovac bb, Tešanj;
 - OPU broj 500/09, zaključen u Banja Luci dana 15. aprila 2009. godine za benzinsku pumpu "Tinja", Tinja bb, Srebrenik.
- 2) Ugovori o kupovini benzinskih pumpi, zaključeni između privrednog subjekta "OPTIMA Grupa" i privrednog subjekta "ZOVKO", su:
 - OPU broj 659/09, zaključen u Banja Luci dana 22. maja 2009. godine za benzinsku pumpu "Kaonik", Kaonik bb, Busovača;
 - OPU broj 505/09, zaključen u Banja Luci dana 15. aprila 2009. godine za benzinsku pumpu "Brijesnica", Brijesnica Velika bb, Doboj Istok;
 - OPU broj 504/09, zaključen u Banja Luci dana 15. aprila 2009. godine za benzinsku pumpu "Ormanica", Ormanica bb, Gradačac;
 - OPU broj 660/09, zaključen u Banja Luci dana 22. maja 2009. godine za benzinsku pumpu "Solina-Tuzla", Solina bb, Tuzla.
- 3) Ugovor o kupoprodaji nekretnina i opreme OPU broj 503/09, zaključen između privrednog subjekta "OPTIMA Grupa" i fizičkog lica Dragan Zovko, u Banja Luci dana 15. aprila 2009. godine, za kupovinu benzinske pumpe "Bugojno", Kopčići bb, Bugojno

- 4) Ugovor o kupoprodaji nekretnina i opreme OPU broj 502/09, zaključen između privrednog subjekta "OPTIMA Grupa" i fizičkog lica Ivica Zovko, u Banja Luci dana 15. aprila 2009. godine, za kupovinu benzinske pumpe "Šuica", Šuica bb, Tomislavgrad.

Pravni oblik koncentracije u skladu sa članom 12. stav (1) tačka b) pod 3) Zakona, predstavlja stjecanje kontrole jednog privrednog subjekta nad više drugih privrednih subjekata, odnosno dijelova drugog privrednog subjekta u skladu sa odredbama zakona koji regulišu osnivanje privrednih subjekata i njihovo upravljanje.

5. Relevantno tržište

Relevantno tržište, u smislu člana 3. Zakona, te člana 4. i 5. Odluke o utvrđivanju relevantnog tržišta, čini tržište određenih proizvoda i/ili usluga koji su predmet obavljanja djelatnosti na određenom geografskom području.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Relevantno tržište prema predmetu poslovanja učesnika u koncentraciji je tržište trgovine na malo motornim gorivima i mazivima, dok je relevantno tržište prema teritoriji na kojoj posluju učesnici koncentracije teritorija Bosne i Hercegovine.

Na osnovu navedenog kao relevantno tržište predmetne koncentracije utvrđeno je tržište trgovine na malo motornim gorivima i mazivima u Bosni i Hercegovini.

6. Analiza relevantnog tržišta

Tržišni udjeli učesnika koncentracije (i s njima povezanih društava) i njihovih konkurenata na relevantnom tržištu u 2008. godini su:

Tabela 3.

R.b.	Naziv privrednog subjekta	Broj benzinskih pumpi	Tržišni udio (%)
1.	Petrol Banja Luka	80	7,22
2.	Enegopetrol Sarajevo	65	5,86
3.	Holdina Sarajevo i Interina Mostar	44	4,00
4.	Holdina Sarajevo (koriste drugi subjekti)	4	0,36
5.	Petrol BH Oil Sarajevo	38	3,42
6.	Petrol Ljubuški	22	2,00
7.	OMV Sarajevo	21	1,90
8.	Zovko Žepče	16	1,44
9.	Krajina Petrol Banja Luka	15	1,35
10.	HIFA Sarajevo	8	0,72
11.	Čavkunović Bihać	7	0,63
12.	Mandić Petrol Istočno Sarajevo	5	0,45
13.	Ostali	783	70,65
	Ukupno	1108	100,0

Izvor: podaci privrednog subjekta "OPTIMA Grupa" i Konkurencijskog vijeća iz Rješenju broj: 01-01-26-005-09-II/09 od dana 12. maja 2009. godine

Nakon provođenja predmetne koncentracije, privredni subjekt "OPTIMA Grupa" će na relevantnom tržištu (zajedno sa povezanim privrednim subjektom "Petrol" a.d. Banja Luka) imati ukupno 90 benzinskih pumpi (uključujući i benzinske pumpe kupljene od dva fizička lica - Dragan Zovko i Ivica Zovko), te imati udio od 8,12% na relevantnom tržištu.

7. Ocjena predmetne koncentracije

Konkurencijsko vijeće je na osnovu analize strukture relevantnog tržišta i tržišnih udjela učesnika koncentracije, shodno članu 17. Zakona, ocijenilo dopuštenom provođenje predmetne koncentracije, te u smislu člana 18. stav (2) tačka a) Zakona, donijelo odluku navedenu u dispozitivu ovoga Rješenja.

Pri donošenju ove odluke Konkurencijsko vijeće posebno je imalo u vidu da na tržištu trgovine na malo motornim gorivima i mazivima u Bosni i Hercegovini postoji jaka konkurencija, da su tržišni udjeli učesnika koncentracije relativno niski, te da provođenje predmetne koncentracije neće dovesti do značajnijih promjena na relevantnom tržištu.

8. Novčana kazna

Konkurencijsko vijeće je ocijenilo da predmetna koncentracija predstavlja koncentraciju u smislu člana 12. stav (1) tačka b) pod 3) i stava (2) Zakona, te da je obaveza prijave koncentracije u smislu člana 14. stava (1) tačka b) Zakona postojala za privredni subjekt "OPTIMA Grupa".

Privredni subjekt "OPTIMA Grupa" bio je dužan podnijeti prijavu koncentracije, u smislu člana 16. Zakona, u roku od petnaest dana od dana zaključivanja Ugovora sa privrednim subjektom "ZOVKO OIL" i privrednim subjektom "ZOVKO", uzimajući u obzir da su prvi ugovori zaključeni dana 15. aprila 2009. godine.

Konkurencijsko vijeće, u skladu sa članom 49. stav (1) tačka b) Zakona može izreći novčanu kaznu do 1,0% od ukupnog prihoda iz prethodne godine poslovanja privrednom subjektu koji ne podnese prijavu koncentracije, u smislu člana 16. Zakona.

Konkurencijsko vijeće je izreklo novčanu kaznu radi kršenja člana 16. Zakona privrednom subjektu "OPTIMA Grupa" u iznosu od 200.000,00 KM, što predstavlja oko 0,796% ukupnog ostvarenog prihoda iz 2008. godine.

Konkurencijsko vijeće je prilikom utvrđivanja visine novčane kazne uzelo u obzir namjeru i trajanje povrede, u smislu člana 52. Zakona, kao i saradnju privrednog subjekta "OPTIMA Grupa" tokom cijelog postupka, te je shodno tome odredilo visinu novčane kazne.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

Predsjednik

dr. Stjepo Pranjić

Dostaviti:

- "OPTIMA Grupa" Banja Luka
- u spis
- arhiv Konkurencijskog vijeća